

薩天錫詩集

七言律詩

京口夜坐

鐵甕城頭刻漏遲
涼霜如雪撲簾飛
雁聲墮地夢迴枕
月色滿城人搗衣
塞北將軍猶索戰
江南游子苦思歸
呼鷹腰箭後園獵
首菊秋深馬正肥

登金山樵跡亭

朱欄六曲倚高秋
元氣茫茫日夜浮
客去客來天地老
潮生潮落古今愁
踈鍾水國前朝寺
落



日海門何處舟更凝黃昏盡餘興却從燈火望揚州

寒夜懷京口韻

帝京久別夢相同鴻濛佳氣凌青空石麟銅雀動涼月玉樓珠箔搖天風宮壺龍渴晚漏盡御街馬滑春雪融綉衣貂帽少年子銀甕索酒蒲萄宮

馬上

秋水芙蓉淡粧平湖昨夜有新霜人間女子空自好馬上郎君不暇狂十二玉樓多薄命三

千客路盡他鄉上林白鴈無消息欲向何人寄斷腸

送管十班監憲除廣西宣慰使

持節曾臨江漢上分符又瘴雲間花駘一日行千里金虎三珠照百蠻露帳旌旗天接水星營鼓角月連山九重應有平徭託日聽將軍奏凱還

偕侍御郭幹鄉過鍾山大崇禧萬壽寺

文皇潛邸所建

御榻在馬侍御索詩因為賦此

虎踞龍蟠王氣多雲深石磴碧嵯峨珠峯獨占
金陵勝寶地嘗經翠輦過花草舊曾沾雨露殿
臺今已近星河登高願效封人祝萬歲千秋保
太和

寄賀天竺長老訢咲隱召住大龍翔集
慶寺

東南隱者人不識一日才名動九重地濕厭者
天竺雨月明來聽景陽鐘衲衣香暖留春麝石
鉢雲寒臥夜龍何日相從陪杖屨秋風江上採
芙蓉

夜宿池陽石墨驛納涼溪橋

文皇南幸江陵駐蹕所也徘徊失之賦
詩未就忽雷電晦冥風雨大作急趨驛
舍秉燭寫東壁時至順壬申五月

聖明天子南巡日尚想溪橋洗馬時雷電神光
猶警蹕草茅賤士敢言詩山河夜黑鬼神護兩
露春深草木知松栢如龍入霄漢行人謂是萬
年枝

題劉渙中司空山隱居圖

放光峯下結茅廬光照山人夜讀書童子抱琴

隨白鶴隣翁看竹借籃輿門前秋景從風掃屋
後春田帶雨鋤自嘆天涯倦遊客十年未有一
廬居

高郵城樓晚望

城上高樓城下湖城頭盡角曉鳴人望中燈火
明還滅天際星河澹欲無隔水人家種楊柳帶
霜鳧鴈起菰蒲短衣匹馬非吾事擬向烟波覓
釣徒

燕將軍出獵

將軍一戰山河定雲漢昭回玉帳高柳外鮮鞍

春洗馬月中飛箭射夜鳴鵙呼鷹走狗清時樂斬
將塞旗舊日勞白面官官催賜酒漠走不數霍
嫖姚

登鳳凰臺御史大夫易繹熏何公索詩
援筆應命

六朝歌舞豪華歇商女猶能唱後庭千古江山
圖故國幾番風雨入空城鳳凰飛去梧桐老燕
子歸來楊柳青白面書生空吊古日陪駘馬繡
衣行

再過鍾山大禧萬壽寺有感

紫翠烟霞出上方遊人登覽憶先皇石闌空見
岩花落翠輦不來山路荒此日風雲消王氣舊
時草木染天香夜深行殿無人到應有山靈護
御床

和中丞伯庸馬先生贈別中丞除南臺
僕馳驛遠迓至上京中丞改除徽政以
詩贈別

江南驛使路遙々遠赴龍門看海潮挂殿且留
脩月谷銀河未許渡星輶隔花立馬聽更漏帶
月鳴珂趁早朝祇恐淮南春色動萬竿烟雨綠

相招

寄京口鶴林寺長老了即休

白頭不出城南寺枯坐蒲團咲客忙過暑葛衣
從破碎逢秋竹院愈荒涼空山雲濕龍歸鉢古
屋松低鶴到床遙憶題詩舊遊處夜深東壁月
蒼蒼

偕庶公亮遊鍾山

十里松風吹酒醒馬頭雲氣碧峻嶒空山落葉
疑聞雨古塔疎林未見燈勝地難逢今日會舊
遊却憶向年曾使君五老峯前去應有新詩寄

病僧

和叅政繼學王先生海南還韻

飄零南北與東西倦鳥投林未許棲
燈下冷風山鬼嘯嶺南春雨竹雞啼
炎天海國瘴雲合深夜蠻鄉客語低
昔日持書烏府上五花駉馬作霜蹄

詠芙蓉

斑簾十二卷輕碧秋水芙蓉隔畫欄
綵扇迎風霞透影錦袍弄月酒生寒
湘魂翠袖留江浦仙掌紅雲濕露盤
祇恐淮南霜信早絳紗籠燭夜

深看

次學士盧疎齋題贈句容唐別駕

疎齋落々謫仙才句曲名山數往來
日讀茶經醫酒病春從隣舍覓花栽
昔年奏對含鷄舌今日登臨獨鳳臺
賴有間居唐別駕尋詩猿鶴莫驚猜

三衢守馬昂夫索題爛柯山石橋

洞口龍眠紫氣多登臨聊和采芝歌
爛柯仙子何年去鞭石神人此地過
烏鵲橫橋秋有影銀河垂地夜無波
遙知題柱凌雲客天近應聞織

女校

宿茅山崇禧觀南塢樓

天際三峯橫紫烟山前山後盡芝田樓臺木末
疑無路雞犬雲中半是仙白石經年皆化玉青
松鎮日祇聞泉曲林三館幽樓地一夜鍾樓聽
雨眠

題元符宮東秀軒又名日觀

茅君山下種玉田道士闢為東秀軒五色曉霞
開日觀萬株秋露滴雲根竹園筍出穿龍角松
樹年深長鶴孫一道天河橫屋過奎光垂地夜

當門

元統乙亥歲集賢學士只兒合舟奉旨
代祀真定路玉華宮睿宗仁聖景襄皇
帝影堂僕備監禮

大帝天香出內宮孝思與世總無窮百年禮樂
行三獻一派簫韶起半空使者領班雲氣裏女
仙搖珮月明中小臣監禮陪清列兩袖葵花映
燭紅

登鎮陽龍興寺閣觀銅鑄觀音像

眼中樓觀見應稀鐵鳳棲簷勢欲飛天半寶花

飄閣道月中桂子落僧衣高擎玉露仙人掌上
碍銀河織女機全趙堂之遺物在山川良是昔
人非

寄叅政許可用

紫髯叅政黑頭公日之鳴珂近九重花底聽鶯
黃閣散御前批鳳紫泥封却將筆下文章潤散
作人間雨露濃未信吟詩趨幕府寒霜翠袖倚
芙蓉

寄賀進士也先不花仲實除侍儀通事

舍人

舍人楚之好容儀立在清朝白玉墀紫袖窄衫
花萼繞黃金小帶荔枝垂絲旗拂柳春班卷宮
漏穿花午仗移朝罷太平無事日芙蓉葉上好
題詩

僕官燕南照磨大名文濟王重賜絲二

端賦詩以謝

夜夢東南五色雲曉聞使者已臨門府中重遣
年前賜幕下多承望外息芝草暖霞浮露絲藕
絲秋水織霜痕何因得侍西園宴宮錦淋漓獻
壽樽

寄文濟王府教授郭尚之

聞君客食賢王府剪地芙蓉賜坐溫不愛時名
題鴈塔頭將苦學授龍孫中官送酒銀餅小前
席談絳絳帳尊却笑馮驩事干謁無魚獬缺尚
侯門

送僉事王君實之淮東

使君膺月揚州去東閣梅開雪壓枝淮上有官
皆避馬竹西無處不題詩春風楊柳平山路夜
月瓊花后土祠從此公餘多勝覽好傳佳句遠
人知

元統乙亥歲余除閩憲知事未行立春
十日叅政許可用惠茶寄詩以謝

春到人間纔十日東風先過玉川家紫微書寄
斜封印黃閣香分上賜茶秋露有聲浮薤葉夜
窓無夢到梅花清風兩腋歸何處直上三山看
海霞

別江州總管真定王克紹

我識文章王太守不知幾日上潯陽琵琶亭前
好明月香爐峯頭多夜光吟詩寫字午衙靜打
鼓勸農春社忙萬一公餘頗相憶寄詩應到荔

技鄉

阻風崔鎮有感

逆風吹河之倒行阻風時節近清明南人止人
俱上塚桃花杏花開滿城雖云年少慣作客便
覺此日難為情河魚村酒亦足醉賴有同船好
弟兄

再過界首驛

二月好風吹渡淮滿湖春水綠如苔官船到岸
人多識楚館題詩客又來近水人家楊柳暗禁
烟時節杏花開一官迢遞三山遠海上星槎幾

日回

姑蘇臺奉和侍御繼學王光生贈別

駄馬霜臺好使君碧羅衫色綉春雲燕尾後綵帶
蝦鬚織燭剪金釵燕尾分四海名高瞻北斗五
絃調古和南薰姑蘇臺下人無數爭看文星拜
主文

錢唐驛樓望吳山

仙居時復與僧隣簾幕人家紫翠分後嶺樓臺
前嶺接上方鐘鼓下方聞市聲到海迷紅霧花
氣漲天成綵雲一代繁華如昨日御街燈火月

終

贈陳衆仲

江南少識陳衆仲，闡下才名壯斗齊。直閣每從
花底過，揮毫曾向御前題。觀魚小海鳳新浴，立
馬上林鶯亂啼。今日西湖之上路，獨騎款段路
春泥。

贈吳山紫陽庵女道士并引

武林吳山紫陽庵，泐民有丁姓者，素
俗為全真。一日忽召其妻入山，言詩
四句云：懶散六十三，妙用無人識。順

逆兩俱忘，虛空鎮常寂。坐抱一膝而
逝，俗謂之騎鶴化。其妻束髮簪冠為
女道士，奉其夫死二十年，不下山。幾
於得道，神仙渺茫，姑不暇論。其婦一
節乃可尚也。婦年七十，王其姓諱守
素亦泐人云，登覽之餘，因為賦詩。

不見遼東丁令威，舊遊城郭昔人非。鏡中春去
青鸞老，華表山空白鶴歸。石竹淚乾斑雨在，玉
簫聲斷絳雲飛。洞門冷落無人迹，獨坐蒼苔補
道衣。

過鵝湖寺

十里蒼松對寺門，四圍翠滴露絲絲。
湖心水滿通銀漢，山頂鶩飛化白雲。
玉井芙蓉天上露，劒池雪浪月中聞。
石床茶竈如招隱，還許閑人一半分。

題鵝浴池

天池霹靂片芥餘，天風萬劫吹不枯。
白雲石面化青雨，落日海眼翻烏鵲。
銀河靈鵲渡夜影，月窟老兔時濡鬚。
太平海上錦袍客，跨鶴來看浴鵝雛。

贈仁王講師蓮上人

香山居士羨如玉，亭子秋水開芙蓉。
承恩長揖紫宸殿，飛錫遙掛烏石峯。
散花天女遶經閣，出海神龍聞講鍾。
攢眉入社笑陶令，載酒三生石上逢。

臺山懷古

粵王故國四圍山，雲氣猶屯虎豹關。
銅獸暗隨秋露泣，海鴉多背夕陽還。
一時人物風塵外，千古英雄草莽間。
日暮鷓鴣啼更急，荒苔野竹雨斑斑。

石夫人詩

危之獨立向江濱
四伴無人水作隣
綠髮懶梳千載髻
朱顏不改萬年春
雪為膩粉憑風傳
霞作胭脂伏日勻
莫道臉前無寶鑑
一輪明月照夫人

安分

心求安樂少思錢
無辱無榮本自然
春日賞花惟貫酒
冬天踏雪旋添綿
頻將碁局消長日
時藝香薰篆細烟
萬事皆由天理順
何愁衣祿不周全

丁卯年及第謝恩崇天門

禁柳青々白玉橋
無端春色上宮袍
卿雲五彩中天見
聖澤千年此日遭
虎榜姓名書勅紙
羽林冠帶豎旌旄
承恩朝罷頻回首
午漏花深紫殿高

勅賜恩崇宴

內侍傳宣下玉京
四方多士預恩榮
宮花壓帽金牌重
舞效當筵翠袖輕
銀甕春分官寺酒
玉杯香賜御厨羹
小臣涓滴皆君澤
惟有丹心答聖明

同克明曹生清明日登北固山和韻

三月二日風日暖千家萬家桃李開少年白日
騎馬去滿城紅雨拂面來共君且飲酒一斗處
世不必歌七哀孫劉事業果何在百年斷石生
莓苔

寄呈江東廉使王繼學

瓜步遙聞鼓角聲淮船夜過石頭城當年嶺海
家何在此日江湖夢亦清紫塞秋風初度鴈玉
堂夜月舊聞鶯祇應王謝風流在臥治山東之
令名

金陵道中

烟樹雲林半有無野人行李更蕭疎埃長埃短
逢官馬山北山南听鷓鴣萬里關河成客舍
更風雨憶吾廬窸窣一點寒燈在酒熟隣家許
夜沽

層樓

廣寒世界夜迢迢醉拍闌干酒易消河漢入樓
天下雨江風吹月海初潮影搖翠幙金蓮炬夢
斷涼雲碧玉簫休唱後庭舊時曲六朝宮殿草
蕭蕭

述懷

客程去住與身遠誤擲漁竿下釣磯好客不來
門戶俗遠親相棄信音稀青春背我堂去黃
葉無情片、飛遙望家山搔短髮故園酒熟堪
鱖肥

句曲贈清玄道士陳玉泉朝京還山復

拜廣陵觀

清玄道士騎黃鶴曾向春班趁早朝香動螭頭
雲氣暗路回龍尾珮聲遙還山去採泉中玉洗
耳終亡樹上瓢聞說淮南招桂隱渡江明月所

吹簫

望金陵

行人兩霽金陵去蕭寺鐘聲又遠聽五月潮聲
方洶湧六朝文物已凋零春風玉樹留歌韻暮
日青山立畫屏千古興亡堪一嘆買花載酒賞
心亭

季子廟

公子不來春草綠故宮禾黍亦離離涕原尚有
千年井古篆猶存十字碑去國一身輕似葉歸
田兩鬢細如絲李家兄弟一朝暮羞見延陵季

子祠

題揚州驛

銀燭高燒照不眠，呼兒飲馬汲清泉。
寒砧萬戶月如水，塞雁一聲霜滿天。
金縷款歌未枕上，銀錢索酒到亭前。
明朝走馬燕山道，贏得紅樓說少年。

雪米

萬斛珠璣瀉大荒，六丁誰為發天倉。
雲孫捧出南箕簸，月姊春來北斗量。
狼戾也知逢稔歲，貯儲元不濟飢腸。
風流灞上尋詩客，千古無人說

秣糠

移梅

幾夜幽香惱夢魂，慙慙來倩隴頭人。
鑿開東閣窓前地，分得西湖雪裏春。
瘦影番來新體態，疎枝猶帶舊精神。
今朝伴我清吟處，不許詩懷更有塵。

元日

元日端門瑞氣新，綬冠帶羽林軍。
雲邊鵲立千官曉，天上龍飛萬國春。
宮殿日高騰紫氣，蕭韶風細入青雲。
太平天子恩如海，亦遣枌觴到

小臣

寄馬昂夫總管

衢州太守文章伯酒渴時敲玉井冰徑造竹床
忘是客橫拖藜杖去尋僧人傳絕句工唐體自
恐生前是薛能日暮江東懷李白鳳凰臺上幾
回登

送僧歸廬山

揚子江頭木葉風上人歸興白雲重淨瓶滿貯
蓬萊水客舫遙听精舍鍾到家自笑門前鶴洗
鉢不驚潭底龍珍重匡廬山畔路逢人應問舊

栽松

次張舉韻題皖山金氏綉野亭

南冠猶有舊風流說者舒州處幽景喜園林
動花竹不妨城郭帶林丘一樽濁酒青山暮三
徑晚香黃菊秋未識孤高金處士杖藜應許約
同遊

贈莫州同年縣尹米思泰

倦客重來憶去年荒城斜日淡炊烟民居星散
無官訟里巷秋深盡水田禾稼半生城郭裏槐
花亂落縣門前路傍父老頭如雪共道文章令

尹賢

送劉子謙照磨之廣西

一官未厭馬蹄遙。要使南荒識鳳毛。幕府紅蓮開白晝。轅門碧草暎青袍。牙旗曉濕蠻烟重。羽箭宵鳴嶺月高。努力平徭當第一。剖符懸印賜勲勞。

和馬昂夫雜詠賞心亭懷古

景陽宮井綠蕪深。空有楊花暗御林。一自朝雲歸寺裏。幾面明月到樓心。陳臺露冷蛩聲苦。楚水波寒鴈影沉。白髮詞臣多感慨。長歌對酒向誰斟。

層樓感舊

倚遍闌干憶往年。南朝文物已蕭然。空遺故國山如畫。依舊長江浪拍天。市井笙歌今漸少。御街灯火夜相連。青樓接外秦淮柳。幾度飛花送客船。

上趙涼國

楚辭天上九鼎貴。來種江東二頃田。屈指已無元老在。全身惟有國公賢。新亭不必悲王道。彭澤何曾改晉年。如此聲名半天下。人間野史亦

堪傳

贈學古澹上人

瘦影相隨九節筇
同袍無處覓行蹤
遠看天目山中寺
來聽石頭城
重鍾洗鉢泉通陳井水
開窓雲度蔣陵松
忽聞二夜猿啼月
却憶飛來巖上峯

送君知伯循三御史廣東僉憲時僕在

燕南

沙頭酒熟惜別離
江波日色漾繡衣
清溪鷗鷺白蕩下
白下楊柳青依
秋雲雙鷗嶺表去
明月一鴈燕南飛

曲江有酒頽相憶
莫遣鯉魚音信稀

送龍翔寺約上人之俗歸宜興狀寺

雲水上人歸興忙
棕鞋蒲扇葛衣涼
過湖就得鄉船便
入寺行穿茶樹香
早起鍾聲持木鉢
夜隨灯影認禪床
定回却憶潛龍處
曾任西廊茅幾房

再遊崇禧寺

野人再到城南寺
臨水芙蓉次第開
新酒瓦盆青暎竹
舊題石壁綠封苔
夕陽半嶺牛羊下
秋

色滿天鴈來獨上新亭天地濶不須揮淚洒
蓬萊

遊青溪道院

晚涼喜見城東月高照西隣道士家丹室火光
穿樹木石壇播影走龍蛇蝦鬚捲夜收雲氣仙
掌擎秋瀉露華倚杖扣門驚鶴睡珊瑚珂珮隔
青霞

題李遵道畫竹木圖

風流未識生前面翰墨空遺死後名鳳尾拂雲
秋有影龍頭出水夜無聲半生清節江南夢萬

里雲槎海上行應逐錦袍美明月倒騎赤鯉對
吹笙

送張都事南臺

幕府三年水雪裏清溪秋水照芙蓉早霜兩鬢
厭為客明月滿船空載書憶昔中臺簪豸角曾
封直諫動鸞輿而今江海多歸思白髮慈親暮
倚閭

送南臺察院吏馬允中臺

御史臺郎書上考彩衣歸慰日相親風烟驛路
江天曉灯火船窓雪夜春幕府十年心似水京

華三月馬如塵此時應有尋君處日到松廳莫
厭頻

和張仲舉涇溪夜行

溪上人家溪樹青溪行野客思冥冥
月光蕩水游魚出屐齒穿花宿鳥醒
蔓草古陵神道沒風攪夜火鬼祠靈
後庭遺曲依然在商女孤歌不忍聽

九日

北固山前逢九日小涼天氣入青袍
浙江水落玄霜下吳地秋深白鴈高
落帽看花憐我輩呼

鷹戲馬憶見曹孫劉事業今何在
斗酒聊書太白豪

休上人見訪

京口叅軍門不出鶴林老子轎相過
主人病久來車少門巷秋深落葉多
金帳人趨新党項塵寰誰識病維摩
如何與子談詩夜鴈雪空林落凍柯

清庵携酒訪

采石仙人携酒來病顏今始為君開
何人更有八十歲與子恣傾三百盃
金縷歌殘銀燭短錦

袍醉倒玉山頽明朝酒醒重相見杖屨江村看
早梅

送友人進柑入京

綠髮叅軍門不出黃岩老叟肯相過九重玉食
常年進千里金柑細馬馱綠水青山南郡遠
袍貂帽北風多同年若問儂消息為說愁來無
柰何

送友人之廣西

昂昂野鶴在鷄群客裏相逢又見分酒醒玉簫
江左月夢回白馬廣西雲洞庭秋水連天去建

業寒潮入夜聞君過此時應憶我逢此際却
思君

四時宮詞

御溝漲暖綠潺湲風細時聞響珮環芳草宮門
金鎖閉柳花簾幙玉鈎閑夢回綉枕听黃鳥困
倚雕欄看白鷗落盡海棠天不管脩眉慚恨鎖
春山

日長縫就綵金衣高柳風清拂翠眉閑倚小樓
題畫扇但聞別院笑彈碁主家恩愛有時盡賤
妾心情無限思又向晚涼新浴罷琵琶自撥斷

賜詞

宮溝水淺不通潮
涼露瑤街濕翠翹
天晚不聞青玉珮
月明偷弄紫雲簫
正官夜半羊車過
別院秋深鶴駕遙
却把閑情望牛女
銀河烏鵲早成橋

悄入深宮不見人
倚門惟有石麒麟
芙蓉帳冷愁長夜
翡翠簾垂隔小春
天遠難通青鳥信
瓦寒欲動白龍鱗
夜深怕有羊車到
自起籠灯照雪紋

京城春日

三月京城飛柳花
燕姬白馬小紅車
旌旗日暖將軍府
絃管春深宰相家
小海銀魚吹白浪
層樓珠酒出紅霞
蹇驢破帽杜陵客
獻賦歸來日未斜

贈劉尊師

羽人推轉阿香車
童子穿松入翠華
天上賜衣沾雨露
山中詩錦織雲霞
瑤壇紫氣秋橫劍
石屋丹光夜走砂
擬借茅君三日鶴
乘風騎到玉皇家

訪揭曼碩祕書

城中車馬多如雲，載酒問之無一人。碧桃花開
光艷，硯池水暖波粼粼。先生楷書白晝靜，家
童畫紙烏絲勻。落紅滿地送客去，十年不見江
南春。

采石懷李白

夢斷金雞萬里天，醉揮秃筆掃蠻箋。錦袍日進
酒一斗，采石江空月滿船。金馬重門天似海，青
山荒塚夜如年。祇應風骨蛾眉妬，不作天仙作
水仙。

登石頭

登臨未惜馬蹄遙，右木秋高萬葉凋。廢館尚傳
陳後主，新碑猶載晉南朝。年深堦路埋花徑，雨
壞山墻出翠翹。六代興亡在何處，石頭依舊打
寒潮。

題舒真人仙山樓觀圖

瑤花琪樹間霓旌，十二朱樓接五城。臺上吹簫
秦弄玉，雲邊度曲許飛瓊。光流漢殿青鸞舞，霞
擁函關紫氣明。方丈蓬萊俱咫尺，不須東望閉
長生。

次韻送虞先生入蜀代祀

芙蓉仙掌座中低后土生光手可齊澗道蹴雲
衣有潤蜀天漏雨石無泥岐山過馬應聞鳳陳
寶傳舟莫信雞柳馬大邦文物盛題詩須近草
堂西

寄句曲外史

霞珮翩翩出洞天當時彷彿見臞仙幾年海上
張公子今日山中葛稚川滄海塵飛丹已熟玉
堂人去榻空懸林間載酒來相覓乞寫丹經與
世傳

寄王本中

王郎楚々金闈考五鳳樓前看闔雞花外漏傳
銀箭午日邊班退紫宮西吟詩月白傾壺露歸
馬春紅踏錦泥應念棲遲江左客破窓燈火雨
凄々

次韻寄茅山張伯雨二首

句曲道人門不出幾時杖屨接慈懃春晴洗藥
分泉去午睡烹茶隔竹聞山脚客行驚犬吠樹
皮蒼老結龍文三層臺上月如水半夜吹簫入
紫雲

天際三峯翠色浮更於何處覓瀛洲也知方外

神仙好不識人間見女愁白犬吠人驚夜鬼珠
簾捲雨入明樓掛冠何日尋高隱竹杖芒鞋絕
頂遊

過孫闡

將軍一去繁華盡池館長年鎖暮霞金谷東風
只芳草綠窓晴日自楊花鶯兒別去空歌樹燕
子歸來無主家王氣東南已消歇景陽宮沼夕
鳴蛙

同吳郎飲道院

三月江南飛柳花松間童子臉如霞旋呼采石

仙人酒來醉山陰道士家西日下城人影散東
風吹馬帽簷斜吳郎今夜不洲渡回首江頭月
滿沙

病中夜坐

江樹花開午夜春綠香吹散隔簾雲吟詩思若
家人罵搗藥聲高隣舍聞惟有工程食白朮亦
無心事對紅裙消愁且喜樓西畔明月一池蛙
亂喧

觀駕春遊二首

蕭韶風細入清虛日暖旌旗卷復舒雙鳳曉開

金翅扇六龍春駕紫雲車將軍斜插黃金虎丞
相低懸碧帶魚遙想宮盤露珠消江南渴殺病
相知

日奏雲間紫鳳韶春隨天上拓黃袍伏前虎將
千金斧馬上鷹兒五色絳獵士開弓黃犬壯宮
官擊鼓紫駝高侍遊亦有中書令七寶雕籠有
綠毛

送僧還江西

病僧歲晚歸何處落日空山白鴈聲洗鉢欲辭
揚子水買魚多上豫章城雲深廬阜青松老風

細鄱湖白浪生更展諸方圖畫養高低遠近互
縱橫

寒夜即事

枕邊漏水催更箭城下霜風動捲簾寒夜綉簾
人逸酒小樓銀燭客提壺自憐今日江南夢猶
認當年柳下壚又擬上元燈火夜扁舟載酒下
姑蘇

招隱者山分韻得生字

龍飛鳳隱知何處今日空餘黃鵠名千古江山
圍故國五更風雨入空城猿啼洞府暮雲舍花

落祠堂春草生何日結茅向青壁抱琴坐石聽
泉聲

殿試謝恩次韻

御柳青々白玉橋無端春色暖宮袍蓬萊雲氣
紅樓近閭闔天風紫殿飄士子拜恩文物盛舍
人貧禮旺声高小臣雖出江湖遠馬上聽鶯夢
早朝

遊竹林寺

野人一過竹林寺無數竹林生白烟江左玉龍
埋碧草月明黃鶴下青田樹街宿雨葳山鷓花

落春風老杜鵑何日來分雲半榻故人不用買
山錢

次韻送人還茅山

八十華陽洞裏仙朝回劍履御堦前丹砂出鼎
無餘火白髮看經有太玄三月雲江春似海九
重金關日如年歸來依舊茅山月道德明言說
五千

酌桂芳庭

桂枝秋露洗銀瓶醉裏題詩記蒼曾接竹池通
丹井水隔松人誦藥珠經茶香石鼎燒紅葉酒

渴水盤破紫菱一帶鍾山青未了碧窓雲氣護
龍亭

賀內臺治書奉勅樹碑先塋

獬豸我冠侍紫皇綵衣玉斧破炎荒江東丘壠
雲山好天上文章雨露香句曲洞中天紫翠鳳
凰臺上月清光忠臣孝子千年意永刻豐碑不
可忘

遊長干寺

秦淮河上長干寺松栢蕭蕭雲日鮮故堦尚存
銅雀瓦斷碑猶載晉朝年石壇旒影風吹動磬

路磚花雨滴寒惟有長廊舊時月幾回缺後幾
回圓

次韻三首

之子慙慙何處來清談煮茗不論杯五更門外
過風雨四月街頭買杏梅喜客有情窓動竹吟
詩無興現生苔君家白酒何時熟病起應須去
不回

池塘過雨水生漪倚檻觀魚自悅怡長日似添
詩有趣故人因為病相知涼風忽過簾鈎動午
箭初長刻漏移何處榴花照人面隔牆紅過兩

三枝

江南三月踏殘芳，白苧衣輕樹影涼。曲巷銀燈
先馬去，誰家翠袖隔簾香。細歌金縷鳴牙板，新
酒檀槽出玉漿。臥病日長思往事，買舟乘興過
滄浪。

廣平馬懷素寓居姑蘇雨中見過

湖海相逢若弟昆，丈夫志氣共誰論。江山如此
苦多夢，風雨蕭然忽過門。為客尚嫌吳俗薄，哦
詩久別楚音存。明朝北固樓中去，共聽江声倒
百樽。

送人之金陵

江城積雨開新霽，行李蕭蕭去遠。桐千古風光
鬢邊白，六朝山色馬頭青。秦淮月出潮初上，蕭
寺鐘聲酒半醒。莫唱當時後庭曲，殿臺衰草自
飛螢。

寄良常伯雨

良常道士人不識，終歲看山不下樓。隔屋木香
開酒甕，捲簾樹色入茶甌。雲深石磴麋鹿下，月
黑松崖猿鶴愁。安得飄然出塵鞅，長年送別若
為遊。

奉次參政繼學三先生海南還桂林道

中韻

空山幽響落林柯
蛩犬吠之吠碧蘿
大庾嶺頭三月盡
鬱孤臺下幾人過
檳榔雨過鳩鳴急
薜荔雲深猿嘯多
幾度裁詩寄相憶
江南如此柰愁何

無題

為客三年海上洲
故鄉何處瘴雲稠
數千里外蠻人域
十八灘頭過客舟
時有山禽呼姓字
或從海鳥作朋儔
故人珂珮周旋處
紫殿風清十

二樓

南安道中

筍輿初下上江船
無幾青山入枕邊
幾處猿啼愁入瘴
五更雞叫夢朝天
不堪歲月如流水
賴有文章似湧泉
歸日鄉人問何往
云從海上覓神仙

章貢道中

多情明月落船傍
萬里孤城望帝鄉
客裏已無金馬詔
篋中猶有賜衣香
嶺南地濕家山暮
天上風微殿閣涼
憶得當年曾夜直
玉龍銀箭漏

聲長

吉安道中

西風吹鴈不成行，萬里孤舟下夕陽。
度峽冷風歌客帽，捲簾涼月落琴床。
江湖水滿鷗偏樂，花柳春深馬正忙。
又看青原山色好，故鄉歸計喜相將。

來石謾興

誰記將軍亡國時，江東父老髮如絲。
古今天塹幾千里，南北樓船百萬維。
中國一蜚傳箭檄，前朝謾有渡江碑。
太平到處山如畫，暖日晴風颺酒旗。

酒旗

次韻登凌歊臺

山勢如龍去復迴，閑雲野望護崇臺。
離宮夜有月高下，輦路日無人往來。
春色不隨亡國盡，野花只作舊時開。
斷碑衰草荒烟裏，風雨年年上綠苔。

過姑熟懷陳行之教授

經過姑熟多佳趣，卜築黃花老亦佳。
白髮故人田負郭，青驄遊子客為家。
郡齋簷雨閑碁子，官路山風過棟花。
自咲欲歸未得裁，詩相憶墨

翻鴉

宿青陽雲松臺二首

九老排雲獨擅尊，衆山拱戴似兒孫。石房仙去
神光現洞府，龍歸雨氣昏。上古幾年埋地軸，至
今九柱插天根。何時身在層峯頂，手把丹書扣
帝闈。

縣門遙接九霞山，日下天開圖畫看。雲氣曉連
銅篆濕，翠光晴鎖硯池寒。人間官府紅塵馬，天
上神仙白玉盤。高臥雲松定何日，仰扳北斗夜
闌干。

過五溪

萬壑泉聲下五溪，小涼天氣下溪時。相逢橋上
無非客，行盡江南都是詩。苦雨最嫌鳩喚急，愛
山不厭馬行遲。幾時宿向華峯頂，露月蕭蕭生
桂枝。

九華山題石潭驛

馬上行人看九華，巖巖高竚倚天涯。排空峭石
生玄筍，落日竒峯掛赤霞。仙掌九秋擎露屑，天
河半夜礙星槎。雲中五老應招手，喚客來遊太
乙家。

寄中曹學士除浙江財賦總管聞至姑蘇
錢塘西府曹學士飲酒吟詩亦快哉閑醉時遊
虎丘寺浩歌獨上姑蘇臺一生好客黃金去百
歲催人白髮來藉聲名滿天下朝廷今日肯
遺才

夢登高山得詩二首

登高遠望四山齊何處風流杜牧之白苧曾聽
松下唱紫簫還向月中吹野雲雨後無行跡芳
草春深有斷碑夢裏勝遊閑記得翠微高上寫
烏絲

杖藜踏破碧崔嵬夢裏清遊樂未回萬壑泉聲
松外去數行秋色馬邊來文章小社人何在風
雨重陽菊自開山路雲深行客倦竹雞飛上獨
春臺

石門懷舜咨夜坐

道人掛劍丹陽去欲入茅山恐未曾飛去雞尋
雲外鶴歸來獨禮斗前燈夢回洗鉢分秋水酒
渴敲壺碎夜冰獨有江東未歸客西風詩骨瘦
峻嶒

建德道中

泉作溪流右作橋桑麻成壠接東饒雞鳴犬吠
人家近水轉峯回驛路遙虎嘯樹林風獵獵人
行弓箭馬蕭蕭多情一片吳天月夜々相隨伴
寒

寄湖南張子壽以西臺御史拜前職素
有退志故舉兼善勸之

初拂綉衣來日下又持憲節駐湖邊鐵冠晴雪
照荆國羽扇清風掃瘴烟客館如聞鷓鴣語鄉
程好買洞庭船狀元御史今何學已過揚州看
月圓

大同驛

題詩洒墨江東驛筆力猶能挽怒濤飛騎將軍
朝出獵打門縣吏夜催徃天高路遠心如水夜
永愁多獨過橋却憶玉堂諸學士鳳池東畔珮
聲遙

畚茅山道士見寄

道人自有愛山癖蠟屐平生幾兩穿七竅冷雲
秋噴竹一琴明月夜調絃山中紫府茅君宅肘
後丹方許史傳短褐擬尋黃犢出長鑿斲雪早
春前

酬張伯雨寄茅山志

恨余未識茅君面喜得茅山道士書
燈外雨聲那厭聽風前石髮豈堪梳
碧窓雲氣寒生楮清室丹珠夜繞厨
夢到層臺夜披卷桂林風動月踈々

奎章閣觀進皇朝經世大典

文章天子大一統館閣詞臣日纂脩
萬丈奎光懸祕閣九重春色滿龍樓
門開玉鑰芸香動簾捲金鈎硯影浮
聖覽日長萬機暇墨花洗出鳳池頭

西宮春日

九重五采金銀闕冠帶將軍盡羽林
上苑春鶯隨柳轉西宮午漏隔花深
天開閭闔收金鎖簾捲奎章聽玉音
白髮儒臣賣詞賦長門應費萬黃金

登鳳凰臺

梧桐葉落秋風老人去臺空鳳不來
梁武臺城芳草合吳王宮殿野桃開
石頭城下春如水燕子堂前雨長苔
莫問人間興廢事百年相遇且踟盃

京師春夜呈宋禮部

柳色無端染翠裙，官街車馬去紛紛。
鶯花御苑春多少，漏箭宮壺夜幾分。
金縷悠揚燕市月，玉簫繚繞鳳樓雲。
太平天子恩如海，亦遣餘音客枕聞。

送王習靈新授宗師朝京

玉珮珊珊下界聞，天風吹動碧榴裙。
劉郎跨鶴遊三島，王子吹簫到五雲。
花洞夜深傳玉印，石壇月黑禮茅君。
若逢天上吳夫子，應有丹砂肯我分。

飛鳴宿食鴈

年去年來年復年，帛書曾達茂陵前。
影連薊北月橫塞，聲斷江南霜滿天。
雨暗蘆花愁夜渚，露香菰米下秋田。
平生千里與萬里，塵世網羅空自懸。

寄新原林道士

我識華陽林道士，步虛空裏帶淮腔。
幾年掛劍茅君洞，一夜渡船楊子江。
醉酒慣眠松下石，題詩愛近水邊窓。
仙家白鶴養無數，不惜人間借一雙。

遊鍾山

驄馬穿雲到上方，南巡輦路碧苔荒。禪僧白晝
看竹殿，山鬼黃昏避御床。雲冷夜深龍在鉢，日
長時有虎巡廊。小桃十月開如錦，猶帶前朝雨
露香。

○登北固城樓

醉拍闌干起白鷗，登臨不忍古今愁。六朝文物
隨流水，三國江山獨倚樓。禿髮涼風吹木葉，孤
城落日下簾鉤。海門不管前朝事，猶送寒潮打
白頭。

鶴林僧送竹笋

搜糞桐帽走風雨，正是山僧送笋時。夜月不留
栖鳳影，春雷失却化龍枝。從來不識葛藤味，此
去方參玉版師。老子管中水雪滿，歲華晚節更
相期。

遊鍾山

林影扶疎護碧苔，有輿上下路縈迴。潮聲萬壑
松風過，雲氣滿樓山雨來。梁武廟荒春草冷，荆
公墓在野棠開。百年感慨成何事，且進生前酒
一杯。

陪張御史遊鍾山

烏府仙人獬豸冠清遊喜得共儒酸
鷓鴣花過雨千岩淨駉馬穿雲六月寒
山鬼每驚詩句險客懷惟愛酒杯寬
一時佳興千年遇莫作浮生半日看

和同舉觀志能還武昌

短衣匹馬走江漢山川歷何雄
北漢陽城高鼓角動洞庭水深鴻雁來
雪消巴蜀浪翻屋黃鶴磯下声如雷
是時立馬夜呼渡清江苦竹聞猿哀

題半山寺

今日偶成林壑趣清幽恨未得從容
龍歸石洞半山雨潮捲天風十里松
春路泥深多滑馬晚樓霧重只聞鍾
荆公舊隱知何處回首蒼茫第幾重

江城翫雪

雪正絲、客倚欄長江風急吼天關
千重鐵甕成銀甕一夜金山換玉山
舟子迷歸寒浦外衲僧款在白雲間
曉來霽日高秣照好景依然梳我顏

遊金山

約客同遊買渡船。閑觀古刹禮金仙。山中好景無多地。天下知名第一泉。佛閣齊雲浮海嶼。客帆過寺帶風烟。當年郭璞因何事。來羨江心作浪傳。

平望驛道

左帶吳松右五湖。人家笑語隔菰蒲。風濤不動魚龍國。烟雨翻成水墨圖。越客卧吹船上笛。吳姬多倚水邊壚。鑑湖道士如招隱。一曲他年得賜無。

送王御史

駄馬如龍玉作鞭。江頭下馬上官船。承恩不比尋常輩。入諫頻瞻咫尺天。草滿畝田多戰骨。花飛驛路少人烟。憲臺自是清高甚。特事關心易白顛。

題玄妙觀玉皇殿

虛空臺殿枕層岑。木杪丹梯起百尋。花落鳥啼青竹裏。客來犬吠白雲深。松壇晝日移幢影。石室天風送鐺音。老鶴如人窓下立。閑聽羽士理瑤琴。

秋寒。復題平望驛

秋雨皇華下九天。又隨歸鴈過吳川。荒村有久
夜投宿。野渡無人秋放船。中酒不堪連夜飲。思
家無奈五更前。歸來却被青山笑。萬丈黃塵兩
鬢烟。

秋寒。復題平望驛
秋雨皇華下九天。又隨歸鴈過吳川。荒村有久
夜投宿。野渡無人秋放船。中酒不堪連夜飲。思
家無奈五更前。歸來却被青山笑。萬丈黃塵兩
鬢烟。

卷五

